

欽定大清會典事例

卷九百九十三
九百九十三

理藩院

燕賚

優恤

儀制

禁令

欽定大清會典事例卷九百九十

理藩院

燕賚

年班燕賚

圍班燕賚

貢使燕賚

年班燕賚○

國初定年節來朝之蒙古王等。均於歲除

賜燕一次。新正

賜燕二次。越日。五旗王府各設燕一次。○又定。內札

薩克固倫公主。和碩公主。親王以下。公以上。朝

貢來京。本身無賞。如固倫公主。和碩公主。親王。

郡王。遣使來京者。來使賞給洋緞一。彭緞一。三

梭布十二。僕從布四。郡主郡君貝勒貝子公來使。賞給彭緞一。布八。僕從布三。進貢來京之台吉管旗章京精奇尼哈番阿思哈尼哈番管旗副章京。賞給大緞一。彭緞一。布十二。參領佐領。拜他喇布勒哈番。陀沙喇哈番。達爾漢等。賞給洋緞一。彭緞一。布七。王府長史。一二三等護衛。典儀。閒散人等。賞給彭緞一。布六。本身不來。遣使來進貢者。來使賞給彭緞一。布四。此外隨伊主前來者。均無賞。至有姻戚之台吉等。本身不來。准遣使朝貢。其餘小台吉以下。驍騎校以上。

本身不來。不准遣使。○順治十一年題准。年節來朝之王等。賞給品物。均於

午門外頒給。○十八年題准。蒙古等以私事來京者。止給行糧。不加賞賚。○康熙九年題准。年節來朝之歸化城土默特都統等。各賞三等漆鞦一。緞七。茶一簍。○十三年題准。賞年節來朝之王。貝勒。貝子。公。台吉等。各分等次。親王。雕鞦一。銀茶筭。茶盤各一。緞三十六。茶五簍。郡王。雕鞦一。銀茶筭一。緞二十九。茶四簍。貝勒。雕鞦一。銀茶筭一。緞二十二。茶三簍。貝子。漆鞦一。銀茶盆

一。緞十四。茶二簍。鎮國公。輔國公。漆鞞一。銀茶
盆一。緞十。茶二簍。一二等台吉。漆鞞一。緞七。茶
一簍。三四等台吉。漆鞞一。緞五。茶一簍。科爾沁
土謝圖。卓里克圖。達爾漢。三親王。加賞甲胄一
副。緞八。札薩克圖郡王。加賞銀茶盆一。緞六。
三十年奏准。喀爾喀等同內札薩克受封。一切
賞賜。亦均比照內札薩克。凡喀爾喀親王以下
公以上。本身前來者。不賞外。如遣使。親王。郡王。
來使。賞緞二。布十二。僕從布四。貝勒。貝子。公等
來使。賞緞一。布八。僕從布三。進貢來京之台吉。管

旗章京副章京賞緞二布十二。參領佐領達爾漢。緞二布七。王等之長史護衛典儀驍騎校閒散人等。緞一布六。再喀爾喀圖什業圖汗車臣汗等。遣使前來。仍照前例。伊所屬宰桑護衛等。本身前來進貢者。俱令進貢。此內圖什業圖汗之古什宰桑。照管旗章京例賞給。其餘宰桑等。均照參領例賞給。護衛等。照王之護衛等例賞給。三十三年定。喀爾喀王貝勒貝子公台吉來京適逢元旦者。照內札薩克之例給賞。三十九年覆准。年例來朝之喀爾喀汗王貝勒貝

子。公。台。吉。等。

賜燕賞賚。及五旗王府筵燕。一如內札薩克之例。○

五十四年覆准。西藏青海。額魯特等外藩朝貢。照伊來使品級賞給諸物。交與內務府。武備院製造。俟起程時頒給。○又覆准。賞年例來朝之喀爾喀親王。視內札薩克郡王例。郡王。貝勒。視貝子例。貝子。公。台。吉。等。各視其品級為差。所賞緞布。鞞轡。銀茶筭。銀茶盆。茶葉諸物。照價值由戶部折銀賞給。○又覆准。賞年例來朝之王。貝勒。貝子。公。台。吉。等。緞疋。雕鞞。銀茶筭。茶盆。黃茶。

等物。各照價值折銀賞給。其有加賞甲冑。緞幣者。亦按數折銀加賞。○五十五年奉

旨。近來所賞蒙古衣帽。撒袋。腰刀。鞵。轡。緞。足茶布等物。實為粗陋。嗣後如賞內札薩克。喀爾喀。照定價略減折銀賞給。如賞歸化城。西藏。額魯特。俄羅斯。著內務府武備院製造賞給。仍詳議具奏。欽此。遵

旨。議准。親王以下。台吉以上。應賞器物。親王酌量折給銀四百三十兩。郡王酌給銀三百十七兩。貝勒酌給銀二百三十八兩。貝子酌給銀一百五十兩。公酌給銀一百十七兩。札薩克。台吉酌給銀

七十六兩。一二等台吉酌給銀六十三兩。三四等台吉酌給銀五十三兩。再科爾沁三親王各加銀七十二兩。札薩克圖郡王加銀七十三兩。永為例。○又議准賞喀爾喀親王以下台吉以上器物酌量折給銀數。與賞內札薩克同。○乾隆三十四年議准年班來京內外札薩克汗王貝勒貝子公台吉塔布囊等應賞衣帽撒袋腰刀鞞轡緞疋茶布等物。按照品秩折給銀兩。科爾沁卓里克圖親王圖什業圖親王達爾漢親王各賞銀五百兩。其餘汗親王各賞銀四百兩。

科爾沁札薩克圖郡王。賞銀三百五十兩。其餘
郡王。各賞銀三百兩。貝勒。各賞銀二百兩。貝子。
各賞銀一百五十兩。公。各賞銀一百兩。札薩克
台吉。塔布囊。各賞銀七十兩。一二等協理台吉
塔布囊。各賞銀六十兩。三四等協理台吉塔布
囊。各賞銀五十兩。由院於正月中旬具奏奉
旨。後咨行戶部。於正月二十日。由戶部會同理藩院
在

午門外頒給。○嘉慶二十二年定。

中正殿西廠子

賜飯於十二月中旬。自蒙古王公到齊時。由院於年班朝覲。並駐京之王公內擬定。奏請。

欽派十二人或十四人入座。並將應行入坐領賞王公等銜名。開單先期奏聞。○又定。年班朝覲。並駐京之。

御前

乾清門行走。外邊行走。蒙古王公額駙。台吉。呼圖克圖。喇嘛等。由院於十二月下旬。奏請。

賞給荷包各一分。○又定。年班朝覲王公。台吉。呼圖克圖。喇嘛等。年終內果房頒給果品。由院領給。

○又定。年終應領麇鹿食品。由院將駐京暨年班朝覲王公台吉額駙公主格格並呼圖克圖喇嘛等銜名咨行內務府給票祇領。○又定。歲除日。燕內外札薩克王公額駙等及外國來使於

保和殿。由院將應行進爵之汗王等銜名咨行掌儀司具奏恭候

欽派。其

親賜酒之汗王貝勒貝子。由院擬定人數具奏恭候欽派。○又定。伊犁科布多所屬土爾扈特杜爾伯特

和碩特王。公。台吉等朝覲。其初次來京者。賞給蟒袍。補褂。頂帽。朝帶。朝珠。荷包。韉韉。坐褥等物。○道光元年奏定。蒙古王公等。

恩賞。緞疋。由院行知各旗。俟蒙古人等到京。遵照定限。派員赴庫支領。○十九年定。喀爾喀年班來京之汗王等。如在途患病。不能按期到京者。即差台吉先來報院。應得賞項。照台吉分例頒給。如該王公本身痊愈。到京後應得賞項。仍照本身分例頒給。其先來之台吉。不得重複支領。圍班燕賚。○康熙六十一年奏准。蒙古隨圍之

多羅郡王四人。各賞緯帽一。綿龍緞袍一。粧緞褂一。鍍金環佩帶一副。氈韉皮韉各一雙。腰刀一。鑲綠松石珊瑚撒袋一副。弓矢全。貝勒四人。貝子二人。公四人。各賞給緯帽。緞袍。緞褂。佩帶。氈韉皮韉。如前。不給腰刀。撒袋。弓矢。札薩克一等台吉一人。賞如貝勒等。惟不給緞褂。台吉。塔布囊。管旗章京。副章京。及參領。佐領。侍衛。總管。副管。驍騎校等。共計四百二十二人。各賞官用緞一。隨圍馬甲長槍手。鳥槍手。前鋒護軍。領催。哈瑪爾。嚮導。捕戶等。共計一千七百四十二人。

各賞銀六兩。牽駝馬人。及蒙古王等之間散隨從人。共計五百八十五人。各賞銀三兩。毛青布一。乾隆六年奏。此番管理圍場。並無王等。毋庸議外。其管理圍場之科爾沁。敖漢。翁牛特。喀喇沁等處貝勒三人。貝子一人。公三人。多羅額駙一人。固山額駙一人。台吉。塔布囊七十二人。侍衛官員二百二十五人。皆照康熙六十一年之例賞給。其隨圍之馬甲捕戶人等。共一千八百一十一人。照舊例賞銀六兩外。遵

旨。各加賞銀三兩。牽駝馬人。趕車人等。共二百九十六

人。照舊例賞銀布外。遵

旨。各加賞銀一兩五錢。再貝勒。公等之護衛官員。亦照前例。各賞毛青布一。銀三兩。奉

旨。科爾沁圖什業圖親王等十五人。各加賞緯帽一頂。粧緞衣一襲。佩帶韉韉各一事。科爾沁達爾漢親王等三人。各加賞腰刀一。撒袋一副。弓矢全。上用龍緞一。塔布囊敏珠爾喇布坦。加賞腰刀一。撒袋一副。弓矢全。哈瑪爾行走三十一人。各加賞官用緞一。額駙策凌。雖未隨圍。亦照隨圍親王之例。賞給一分。其賞給之物。交伊子公徹布登札布寄去。○十二年議准。

嗣後前往

木蘭圍場之王貝勒貝子公台吉等止賞緞疋者。

按數賞給。若賞給衣服亦酌量折給緞疋。謹案卓索

圖。昭烏達。二盟長。例進公燕。家燕。數次。高宗純皇帝始命合為一次。由院先期具奏得

旨。後。各行該盟長敬謹豫備。在月牙城進燕。又恭遇奉。旨。在萬樹園筵燕。凡內外

札薩克汗王。貝勒。貝子。公。台吉。塔布囊。呼圖克圖。喇嘛。皆與燕。○十九年奏定。

管圍之親王郡王每人各賞

上用蟒緞一疋。大緞二疋。彭緞二疋。貝勒貝子公每

人各賞官用蟒緞一疋。大緞一疋。官用緞二疋。

額駙等。每人各賞官用蟒緞一疋。官用緞二疋。